

Datum: 28.09.2021. godine

Broj: 02-05-1078/21

Na osnovu člana 70. stav (3) Zakona o javnim nabavkama ("Službeni glasnik Bosne i Hercegovine" broj 39/14), člana 37. Statuta JP "SARAJEVO" d.o.o., te na osnovu preporuke Komisije za javne nabavke broj: ZP-02-05-690/21 od 28.06.2021. godine u postupku javne nabavke rezervnih dijelova LOT 1 i Nabavka usluga specijalističkog održavanja Trebevičke žičare LOT 2, direktor donosi:

## **ODLUKU o izboru najpovoljnijeg ponuđača**

I Za najpovoljnijeg ponuđača za javnu nabavku roba i usluga Nabavka rezervnih dijelova LOT 1 i Nabavka usluga specijalističkog održavanja Trebevičke žičare LOT 2, po provedenom pregovaračkom postupku bez objavljivanja obavještenja o javnoj nabavci na Portalu javnih nabavki, izabran je slijedeći ponuđač:

**„FURLANI” d.o.o. Nova Gorica, Slovenija**

**sa ukupnom cijenom za LOT 1 47.000,00 KM (bez PDV-a)**

**i za LOT 2 42.000,00 KM (bez PDV-a).**

II Odluka o izboru najpovoljnijeg ponuđača objavit će se na web stranici [www.jpsarajevo.ba](http://www.jpsarajevo.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. Stav (6) Zakona o javnim nabavkama BiH.

III Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## **O b r a z l o ž e n j e**

Postupak javne nabavke roba i usluga Nabavka rezervnih dijelova LOT 1 i Nabavka usluga specijalističkog održavanja Trebevičke žičare LOT 2, proveden je putem pregovaračkog postupka bez objavljivanja obavještenja o javnoj nabavci na Portalu javnih nabavki, a pokrenut je na osnovu Zahtjeva za pokretanje postupka nabavke broj: 02-05-592/21 od 27.05.2021. godine i Odluke o pokretanju postupka javne nabavke broj: 02-05-592-1/21 od 27.05.2021. godine.

Predmetna javna nabavka je pokrenuta, jer su ispunjeni uslovi za nabavku iz člana 21. tačka c) Zakona o javnim nabavkama BiH kojim se definiše da ugovorni organ izuzetno može ugovor o nabavci dodjeljivati putem pregovaračkog postupka bez objave obavještenja o nabavci u slučaju kada se iz suštinskih, dokazivih tehničkih ili umjetničkih razloga, ili iz razloga koji se odnose na zaštitu ekskluzivnih prava, ugovor može dodjeliti samo određenom dobavljaču.

Procijenjena vrijednost javne nabavke iznosi: LOT 1 50.000,00 KM (bez PDV-a);

LOT 2 50.000,00 KM (bez PDV-a).



Komisija za javnu nabavku je imenovana Rješenjem o imenovanju Komisije za javnu nabavku broj: 02-05-592-2/21 od 27.05.2021. godine.

U periodu koji je ostavljen za podnošenje ponuda, od strane ponuđača nije bilo zahtjeva za pojašnjenjem tenderske dokumentacije. U periodu koji je ostavljen za podnošenje ponuda, nije pristigla nijedna žalba na tendersku dokumentaciju.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje i ocjenu jedine prispjele ponude, o čemu je sačinila ovaj Zapisnik, u kojem je utvrđeno sljedeće:

1. Dana 19.08.2021. godine Komisija za javne nabavke je otvorila pristiglu početnu ponudu ponuđača "FURLANI" d.o.o. Nova Gorica, Slovenija, kao jedinog ponuđača kojem je JP "SARAJEVO" d.o.o. podnio zahtjev za dostavljanje ponude. Nakon izvršenog otvaranja početne ponude za oba LOT-a Komisija za javne nabavke je pristupila pregledu cijena iz pristigle početne ponude za LOT 1 „FURLANI“ d.o.o. Nova Gorica, Slovenija, broj: 23/21 od 09.08.2021. godine i ponude za LOT 2 broj: 24/21 od 09.08.2021. godine, te konstatovala sljedeće:

CIJENA bez PDV-a za LOT 1	48.121,49 KM
Ponuđeni popust	0%
Cijena ponude sa uračunatim popustom	48.121,49 KM
PDV	8.180,65 KM
Ukupna ponuđena cijena sa PDV-om i popustom	56.302,14 KM

CIJENA bez PDV-a za LOT 2	42.700,34 KM
Ponuđeni popust	0%
Cijena ponude sa uračunatim popustom	42.700,34 KM
PDV	7.259,00 KM
Ukupna ponuđena cijena sa PDV-om i popustom	49.959,13 KM

Nakon izvršenog otvaranja i utvrđivanja cijene početne ponude za oba LOT-a ponuđača „FURLANI“ d.o.o. Nova Gorica, Slovenija, Komisija za javne nabavke je pristupila računskoj kontroli i analizi cijena iz ponude, te konstatovala neophodnost provođenja pregovora sa ponuđačem „FURLANI“ d.o.o. Nova Gorica, Slovenija, koji su i zakazani za 24.08.2021. godine u 14:00 h.

2. Dana 24.08.2021. godine u 14:00h sati Komisija za javne nabavke je u prostorijama JP "SARAJEVO" d.o.o. održala sastanak sa predstavnikom ponuđača „FURLANI“ d.o.o. Nova Gorica, Slovenija, gđinom. Franc Alain Furlani na kojem su izvršeni pregovori o elementima ponude kao i o cijenama iz početne ponude, i na kojima je Komisija za javne nabavke od



ponuđača „FURLANI” d.o.o. Nova Gorica, Slovenija zahtijevala umanjene cijene početne ponude i dostavljanje konačne ponude. Ponuđaču “FURLANI” d.o.o. Nova Gorica, Sarajevo je dostavljen Obrazac za dostavljanje konačne ponude - Aneks 1 (za LOT 1 i LOT 2) i Obrazac za cijenu konačne ponude - Aneks 2 (za LOT 1 i LOT 2), koji trebaju, popunjen dostaviti u što kraćem roku na Protokol JP“SARAJEVO” d.o.o.

3. Dana 22.09.2021. godine ponuđač „FURLANI” d.o.o. Nova Gorica, Slovenija je dostavio konačnu ponudu za oba LOT-a, za LOT 1 broj: 23/21/R od 20.09.2021. godine i za LOT 2 broj:24/21/R, te cijena konačne ponude za oba LOT-a iznosi kako slijedi:

CIJENA bez PDV-a sa datim popustom za LOT 1	47.000,00 KM
PDV	7.990,00 KM
Ukupna ponuđena cijena sa PDV-om i popustom	54.990,00 KM

CIJENA bez PDV-a sa datim popustom za LOT 2	42.000,00 KM
PDV	7.140,00 KM
Ukupna ponuđena cijena sa PDV-om i popustom	49.140,00 KM

Komisija za javne nabavke je izvršila računsku kontrolu konačne ponude ponuđača i konstatovala da nema računskih grešaka, te prihvatila konačnu ponudu ponuđača „FURLANI” d.o.o. Nova Gorica, Slovenija na ukupan iznos za LOT 1 47.000,00 KM (bez PDV-a) i za LOT 2 42.000,00 KM (bez PDV-a).

Komisija za javnu nabavku jednoglasno je predložila direktoru preduzeća da donese Odluku o izboru ponuđača „FURLANI” d.o.o. Nova Gorica, Slovenija čija ponuda za oba LOT-a je ocijenjena kao najpovoljnija sa ukupnom cijenom ponude od 47.000,00 KM (bez PDV-a) za LOT 1 i ukupnom cijenom ponude od 42.000,00 KM (bez PDV-a) za LOT 2, te da se ponuđaču „FURLANI” d.o.o. Nova Gorica, Slovenija i dodijeli Ugovor.

U postupku donošenja ove Odluke, posebno su ocijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjele ponude, shodno kriterijima iz tenderske dokumentacije.

U postupku ocjene provedenog postupka direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija za javne nabavke u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. Stav 1) tačka b) Zakona o javnim nabavkama, odlučeno je kao u dispozitivu.

**Pouka o pravnom lijeku:**

Protiv ove Odluke, može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno ili preporučenom poštom.

**Direktor**  
**Ensar Eminović**

---

**DOSTAVITI:**

- „FURLANI” d.o.o. Nova Gorica, Slovenija
- a/a